

Visoki predstavnik i politički lideri dogovorili su se o provedbi amandmana na entitetske ustave

Visoki predstavnik, Wolfgang Petritsch se danas susreo sa predsjedavajućim i članovima Vijeća ministara, kao i premijerom i predstavnicima vlada dvaju entiteta koji su se dogovorili da provedu sve neophodne aktivnosti s ciljem da se osigura puna i dosljedna provedba Sporazuma Mrakovica-Sarajevo u oba entiteta. U ovom cilju će biti neophodno uskladiti sve zakone, pravila i propise na svim nivoima sa ustavnim amandmanima.

U cilju osiguranja napretka u provedbi i omogućavanja partnerstva i saradnje između nadležnih institucija, uspostaviće se Radna grupa koja će uključivati predstavnike institucija BiH i entiteta, kao i OHR-a, kako bi se postigla optimalna realizacija ovih i drugih ciljeva koji su neophodni za cjelovitu provedbu ustavnih amandmana.

Visoki predstavnik i politički lideri su se dogovorili o planu aktivnosti koji će osigurati postizanje napretka u provedbi prije održavanja izbora, 5. oktobra 2002. To je od ključnog značaja naročito s obzirom na činjenicu da su nedavno doneseni ustavni amandmani utjecali na način održavanja izbora, kao i u pogledu potrebe da sistem za zaštitu vitalnih interesa postane u potpunosti funkcionalan odmah nakon održavanja oktobarskih izbora.

Isto važi i za propise koji će omogućiti zastupljenost svih konstitutivnih naroda u javnim institucijama u skladu sa Sporazumom Mrakovica-Sarajevo. U okviru ove grupe će se također raspravljati o tome kako će se principi utvrđeni

Sporazumom Mrakovica – Sarajevo primjeniti u kantonima Federacije Bosne i Hercegovine.